



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Thesavrvs Sacrorvm Ritvvm, Sev Commentaria In Rvbricas Missalis Et Breviarii Romani**

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimè explicantur

**Gavanti, Bartolommeo**

**Antverpiæ, 1646**

De Festis Sanctorum mense Februario. IV.

**urn:nbn:de:hbz:466:1-40233**

De Festis Sanctorum mense  
Februario.

## C A P. I V.

1. Ignatij. Extat Sermo S. Ioannis Chrysoptomi. Manuel meminit *tit. de Ferijs. Appendix Sacramentar.* Gregoriani habet Festum in Decembri, sed in Breuiario Vaticano *volum. 4751.* in Februarij primo. Lectiones nouem habebat in Breuiario impresso 1521. & 1550. Homiliam addidit Pius V. & Lectiones secundi Nocturni.

2. De Purificationis beatæ Virginis Festo, vide quæ diximus in primo Tomo. Duplex apud Duran. *loco cit.* Officium habetur in Ordine Romano. Pius V. addidit primas Lectiones de Scriptura. Nota, quatuor esse solemniores B. Virginis Festiuitates, Purificationem in Hieme, Annuntiationem in Vere, Assumptionem in Aestate, Natiuitatem in Autumno. Si occurrat hoc Festum in Dominicis priuilegiatis, transfertur in Feriam secundam, ex Decreto Clementis VI.

3. Blasij. In Appendice Gregoriana. Simplex, in Breuiar. 1550. erat Semidup. in Breuiar. 1521. nunc Simplex à Pio V. Gemma *lib. 3. cap. 25* meminit cum luminum vsu. An fortè ad signandum guttur, quod in Prouincia Mediolanensi adhuc est in vsu cum candelis accensis pridie benedictis?

5. Agathæ. In Antiphonario & Sacramentario Gregorian. sed post Gregorium, ait Pamelius in *Antiphonario eiusdem;* & ex Radulph. *Propos. 17.* de consuet. generali. Semidup. apud Durand. & Radulph. *locis citatis.* mutauit Homiliam Pius V. cum Euangelio: & ob eius præclara merita dicuntur

Psalmi in toto Officio de Comuni Sanctorum virorum.

6. Dorotheæ. In Appendice Gregoriana. Simplex in Breuiar. M. S. & 1550. Hymnus eius extat in Breuiario Toletano.

7. Romualdi. Clemens VIII. 9. Iulij 1595. Semid. ritu, vnà cum Officio, Breuiario apposuit. qua die fuit translatum eius corpus Fabrianum in Pice-no, ex Baron. in *Martyrologio*: nam obiit die 19. Iunij, impedita Festo SS. Gervasij & Protasij; quorum Missa non erat expungenda de Missali, quæ habet Introitum proprium (vt dicemus suo loco) vt eius vice poneretur Missa S. Romualdi cum sola commemoratione SS. Martyrum: & ideò in Hymno *Iste confessor* mutatur tertius Versus.

9. Apolloniæ. In Missali Vatic. *vol. 3808.* Simplex, & in Breu. 1550.

14. Valentini. In Comite S. Hieronym. & Sacramentario Gregorian. Simplex, 1550. & nullam Lectionem habet in Breuiarijs M. S. neque apud nos.

15. Faustini & Iouitæ. Appendix Gregor. Simplex in Breu. 1550.

18. Simeonis. In Breuiar. Vatic. *volum. 4751.*

22. Cathedræ S. Petri Antioch. In Comite Hieron. Antiphonario Gregor. & in eiusdem Sacramentario; vbi additur *in Roma*, in editione scilicet Romana, non autem in Pameliana. Dicitur fuit Festum S. Petri epularum, quia vinum & epulæ offerebantur pro mortuis, Ioan. Beletii *cap. 93.* Semidup. apud Duran. *loco cit.* Duplex ex consuetudine generali apud Radulph. *Propos. cit.* Officium vel à S. Gregorio, vel à Gelasio, ex Ordine Romano conijcitur. Orationis Auctor S. Leo

S. Leo II. ex Duran. *lib. 7. cap. 15.* Homiliam S. Leonis addidit, & haberi Duplex maius iussit Clemens VIII. Notat Belet *loco citato*, sub nomine Antiochenæ comprehensam fuisse etiam Romanam Cathedram suo tempore; nunc distinguuntur. Si concurrat hoc Festum cum Dominica Sexagesimæ, ut in Tabulis nostris 29. 30. nihil refert, dici bis Orationem de S. Paulo sub diuersa ratione formali, de qua vide in *Tomo 1. par. 4. tit. 5. num. 15. pag. 235.*

23. Vigilia S. Mathiæ. Eadem, quæ de Vigilia S. Andreæ. Officium à Pio V. Si dies sequens fuerit Fetiæ quarta Cinerum, & idè transferatur Festum sancti Mathiæ in Feriam 5. eo casu in secundis Vesperis Vigiliæ dicuntur Preces feriales cum Oratione Dominicæ, non Vigiliæ, ut in Rubricis generalibus *tit. de Precibus num. 5. Vide supra pagina 97. n. 10.* & quia casus est singularis huius loci proprius, idè & hoc loco adnotauimus. In anno bissextili in lectione Martyrologij transfertur pronuntiatio huius Vigiliæ & Festi sequentis, ut dicitur in eodem Martyrologio.

24. Mathiæ. Vti diximus de S. Andrea, quoad originem Festi, habetur in Sacramentario Gregorij. Duplex à Bonifacio VIII. Pius V. addidit Euangelium cum Homilia, & Lectiones secundi Nocturni mutauit. Quòd autem in bissextili anno fiat Officium die sequenti 25. Alexander III. præcepit, *de Verb. signific. cap. 14.* Concionem de S. Mathia habuit Berno. Secreta Missæ alia est in Sacrament. Greg.

Circumfertur Officium sancti Conradi 19. Februarij, &, quod peius est, Venetijs intra Breuiarium impressum est sine Decreto sacræ Rituum Con-

gregat. quæ illud concessit Placentinis & Nettinis in Sicilia tantum, sub ritu Semidupl. 19. *May 1614.* deinde ab Urbano VIII. etiam Ordini Minorum S. Francisci, *die 13. Septemb. 1625.* quocirca non est cuique datum illud recitare, neque fuit ad libitum concessum.

*De Festis Sanctorum mense Martio.*

C A P. V.

**F**esta Sanctorum in Quadragesima ab antiquis non celebrabantur: quem ritum retinet mordicus Ecclesia Ambrosiana: longè tamen ante Micrologum cœperunt coli in Quadragesima, ut idem significat *cap. 48.*

4. Casimiri. Extat Decretum, Paulo V. Pontifice, sacræ Rituum Congregationis, quòd fiat Semiduplex, *die 23. Ianuary 1621.* Officium autem sub Clemente VIII. fuerat editum pro Regno Polonia; deinde à Paulo V. ad vsum communem approbatum fuit *die 7. Augusti 1621.* In lectione Martyrologij legatur primo loco, iuxta leges Martyrologij.

Lucij. In Appendice Gregoriana restituit Clemens VIII. ob eiusdem corpus inuentum cum corpore SS. Valeriani & Tiburtij in Ecclesia S. Cæciliæ.

7. Thomæ Aquinatis. A Ioanne XXII. anno 1323. vii Doctoris, à Pio V. 1567. Simplex in Breuiar. 1550. à Pio V. Duplex, cum Officio, si transferatur, mutatur tertius Versus Hymni, *Iste Confessor.*

Perpetuæ & Felicitatis. S. Augustinus in hoc Festo tres tractatus habuit, ex Possidio; & habetur Festum in calce